

知非堂稿卷之二

臨川撫樂何中太虛著

五言古詩

贈元復初 二首



暖雲流青堤光風轉芳甸遠在天一涯幽沉限
聞見點點秋歸鴻翩翩春來燕天路萬里通胡
寧絕遐睠竒姿奪南國張望愧疎賤良會慰風

心願言畢歡宴

其二

朝采山巔苓莫採澗中藻心同媒豈勞結交不

在早深知各偃蹇非要一時好託輕身易捐百
年不速老綠陰鶯亂啼相携玩芳草區區幸識
察庶得堅所保

春風如少年效陳漢翁

春風如少年狂逐無定處垂楊曲江堤細草東
郊路祇言今似昔不悟新非故流水何時歸殘
鶯數聲莫

西湖山

峩峩西湖山靈秀入空碧蘿蔭轉層磴松色青

幽色微霞生絕陁飛溜洒欹壁鶴鳴巖光動花
落雲影拆板危登古壇百年此一息聲影混太
荒不見興滅迹剛風三天寒元氣萬里色悵望
仙子期凝神撫玄極

皈信寺近曾文昭公墓次

綠柘茅舍村青山晚烟渡何處權歌還直入探
林去隔皈數聲鐘鴉啼翰沐墓

程氏山房燕集是麻源第三谷

芳村暖微煦衆岫分餘烟逶迤望遠壑趣得心

轉延洞開石扇仄，仄險深流喧。居人隱古俗，香
氣通幽禪。艷綠度畫梁，語笑相後先。飄飄縱飛
屐，松聲正鏘然。窈窕山曲岬，麗構朝霞鮮。勳庸
在廊廟，傑閣儲芸編。緬懷康樂公，奇蹤此周旋。
詎知有今夕，睽集玉堂仙。羣鵠亦與喜，共舞芳
尊前。無情尚相感，矧當後。諸賢暢飲抱，真適遠
心寄微言。茲遊即千載，湛輩期俱傳。

招仙觀

逶迤溪南路，窅窕招仙谷。空堂兩道人，殘碁映
深竹。一葉響疎籬，雙鴉啼高屋。出門隨歸人，遠
燒在山麓。

知非堂夜坐

前池荷葉深，微涼坐來爽。人歸一犬吠，月上百
虫響。余非洽隱淪，隙地成偃仰。林端斗柄斜，撫
心獨淒愴。

樂安遊穆山寺

秋陰出南郭，佳色來遠山。悠然渡野水，却宿前
林間。朝氣銳幽步，相携上孱顏。行穿綠蘿遠，共

愛青山閑已窮高原路忽得雙石關澹烟帶香
氣深木藏幽澗景晏鐘磬寂桂花滿苔斑道人
一尊酒時聽風珊珊多悟從此始塵緣諒能刪
空廊對微雨亦復不知還

宿田家

村暗烟火生林深雞犬靜麥花如積雪月色淡
相映鄰家夜汲歸寒虫滿幽徑

發新淦金水亭

振衣上野航回首謝山阪日淡秋水空風清片
帆遠沙光侵岸發峯影隨人轉前渡烟火深離
亭路今緬

小孤山

牽牛與織女河漢有時渡小姑綠髮深隔與彭
郎語流水去仍回望郎郎不來精神有相貫形
跡難相猜年華朝又暮江頭晴又雨靈風吹斷
磯行人聽鐘鼓

曉發辭夫磯時李河漑之友先行

荻暗雞鳴村平皋下殘月參差隣舫語艣聲帶

潮發露華望中白蓬陰散秋髮沙鳥知曙鳴海
雲上空滅念我前行友青山已飛越遲爾及相
携無嗟賞心歇

龍潭阻風夜興

水宿滯前期前津北風惡林寒燈影深莎雞滿
籬落荒忽寄孤迥淒清愧離索年光星河轉夜
氣衣裘覺我前勁翩翩我後大魚躍潮痕侵柳
根移船避沙閣

淮陰古城

土人云城有韓信墓蓋信
母墓非也土人誤云

牛羊上荒城茅茂深樵路鍾室嘆良弓有此韓

王墓狗名本何成早被鄭侯誤閒尋舊釣磯杏

渺蒼滄波莫

望新安山投宿不及

踰淮數百里欣逢下邳山新安十數峯窈窕霞
影間遙看若可即既近杳難攀契深迹莫遂悵
望空厚顏倦鷺辨沙落遠禽求村還已暮將何
歸回濤冒溲灣渡口雙古柳茅茨相與環清時
寄孤枕敢厭聞驚潺

歌風臺

神魚驚遠海雄鵠陵高玄區區一亭長帝業何
赫然光芒三尺劍羣雄讓鋒先羸項屹山岳掃
滅如飛烟故鄉偶一歸父老相周旋百感忽中
起深情何由宣往時同功人今乃不一全害能
亦寧忍遠計有未便矧蟬視孤影三侯發尊前
丈夫英雄氣兒女淚迸泉縱觀能幾時憂虞浩
無邊西風吹古臺老渥^屋敬河壖低徊一長笑^肅乾
坤多材賢

登李白酒樓

當時謫仙人四海蜚英聲偶然此一醉遂有無
窮名叔世尊放曠中度翻為輕頽波浩難返憂
思誰能平

同鄉客

有認余舟者問
隆興消息焉

遙見江西船認是同鄉客何日發隆興迎人問
消息長河落雁秋古渡啼鳥夕不見楚天長重
重莫雲色

影兒灣看落日

玄識超象外精聞洞心知諒非耳目及難用常
情疑杳杳大荒濶紫毫散天西垂輪忽漸側綠
水浮金龜昔我事畊釣巖溪恣愚癡秋風影兒
灣夕景無前奇六合孰云廣余行亦非迷揮弦
訪太谷鍊石尋安期

酬揭曼碩重贈

歲晏君獨留路長我將發林居難共語帝里易
成別煮水逐人飯依樹因車歇今夜抱衾眠街
頭響鐘絕

宿十里村

朝出順承門莫宿十里村臂鷹獵騎歸積雪明
郊原居人喜客來汲井鄰媪温羹湯稍煖熟餅
餌亦燒燔此夕羈旅意深知路人恩重林隱城
堞昉此勞心魂

涿州道間雪霽

昨日飯良鄉今失涿州城北路將終去安能緩
車聲平野散寒景流輝起浮英濛洪^洪遠樹密落
削僵柳明猶律共鴉牧團瓢忽雞鳴殊方雪初

霽余抱孤賞情胡爾同車人苦云路難行猶律

紀間作
殺糶

河間曉行

歸人心久歸車夫苦相促衣裳急披攬衾毯自
裝束寒深肌骨痛夜久情懷獨萬里多往還他
人媚僮僕霜枝叫羸雀雪徑過山鹿望野欣海
霞辨烟失村屋飢尋麥粉麓到夕當得粥南中
好男兒閉屨絕行躅河間堠子俠客多毋煩記生熟

早發東阿午經東平晚宿汶上是日雪

嚴裝齊地曉授館魯鄉莫天寒客心速雪下車
聲去迷獸出桑畦流人披野路淺靄須城出斜
橋汶津樹前聖有遺業惆悵經行處荷蓀與耦
耕何其得深趣

淮安道中

聲鐘起前林悠悠向南客天垂大野高月淡行
路白雞天淮上村雲霞海邊色舊時塞垣地來
往人馳驛

得風自施團一日至梅根

沂游縮程期景氣異昏旦波聲船頭響旗尾檣
竿轉施圍方入望忽過繁昌縣雄吹徹籥冥陰
色形恠變凌虛曠超軼坤六酣龍戰幾日西南
風去帆眼中羨蒼蒼水雲鄉九華今不見

南浦旅懷

鄉近歲已闌猶為候風容落葉蓋蓬深三日不
知息浦樹分城烟水明遠沙色滿筐紅燭枝渡
人隔村夕久滯妻孥望孤還朋友惜音形兩睽

離情生自難抑

朱方偶作

雪餘春水生日上暖雲泮杏靄松林中紫扉起
樵爨新粧携童稚鄰曲欣年換坎坎村鼓鳴沙
頭酒聲亂江西田家樂豐歲尤盛觀山市溪橋
春還多看燈伴

訪程漢翁不遇賦寄

高躅洽冥棲鈍資得睽阻逢人問來期指日往
城府俄聞幽軫至迎候急江許沙柳歸流風陰
虹割飛雨還同騎馬客尋竹叩深戶多蘊喜頓

傾失覲還茹苦度鳥遣還聲絨情促歸武招振
新城雲秋山事情嫵幸因揭陽侯謂曼也日日聞
玄悟

酬彭通復懷友見及之作

疇昔到沙步芳時感嚶鳴日華起筠采林香散
柑英虛館訊行李輕舸下鍾陵還期念當遠枉
矚欣欲驚新句出良斲慵疎媿專精天質謝人
飾狀妍終莫能程兄守丘壑揭弟翔神京謂揭也
出處各乖濶能不勞深情蹇劣忝相厚如何
歸思縈溪人尚貞素迷復懸清評

暮行城東懷望漢翁因寄

倚郭起遙悲日下滄波濶何處是新城層峯翰
飛滅始友今悔誤沉想還成結百里詭稱遙長
年忍為別回風歸山霞道景發沙月獨殷今夕
情離迷轉城闕

丹霞洞天

飛鳥落丹霞蒼然洞天劃草木昏異香烟霧有
靈色寒苔潔宜坐幽水甘可滌樵子指峯高野

翁教藥摘琳宮積筠陰慮消景難是道人供仙
茗疊疊古所歷唐王懸舊照唐帖式遺墨閱年
知幾何山前事多易稽首浮丘翁歸歟紫玄宅

昭武西塔山報恩寺

山椒敞禪扃幽欣失微倦密林稍深沉新筍亦
蔥蒨磴折迎空香臺虛得清嘯芸芸趨前塵往
往遺勝殘始知佛力弘能使地靈見市聲俯一
席山色照三面郡小覽易窮興高賞難徧微生

諒何緣周流散逍曠

浴侯官湯泉

天氣稍清穆漿聲泊荒津湯泉冽山丰取徑娛
幽淪解帶散疎髮掬漪澡間身暢然肢體舒洒
若襟懷新其下多嘉樹細花落繽紛和風來樹
間芳氣通微幸繁陰屢移席俄令鳴鳥親無為
急行邁殷勤謝舟人

三仙謠

紅紗籠玉香金翠繡鴛小鶴頂壓青絲斜戴花
枝裊何方馬上郎下馬佯驚悄羅扇掩微頰答

語相縈繚郎有千金重妾惜容華少怕不稱郎
心看郎幾曾老

苦熱得雨

炎德王甌駱羈羸負天刑不為冰谷留乃使熱
阪經几席集蠅蚋與臺亂猱鼯居煩易激疾習
靜難遺刑每倚高閣立但愛方山青林端動虛
籟殿角搖飛霆雨影襲虹氣土香雜龍腥脩脩
改神慮蕭蕭賓仙靈散襟淡幽佇稻花如雪馨

九日

囑耳喧令序虛旻景清溫久生理難期陽德聖
所尊菊籬黃未拆萸枝綠初繁時萸尚書幽岵寡芳
物離索誰相存白日照杯酒壺山落秋痕高歌
行太清海翳開汶汶倚伏祥視履登高倦躋攀
化機何由息悠哉委乾坤 汶音氏

壺山絕頂望海

縈磴入蒼靄斷崖倚晴暎天飈盪胸駛城氣迎
矚昏磐石偃危樹嶽谷王浩無垠鴻交羣龍戰舶
點微鷗翻浮雪岌雲朵懸霄浴霞根空浴東南

突迨還日月門指數十洲翳招呼九仙存余懷
已漾漾前境方渾渾乘槎寄虛感微迹猶當論

登九仙山

仙何姓兄弟九人

吾宗九仙人鍊藥此山上渺渺嘉遊心披烟一
相訪海門慈龍外山氣帶嵒狀側日明遠潮歸
霞委孤嶂塵緣誤良契仙事敦風尚何處乘鯉
歸微風起清漾

烏石山天王寺

天王小精廬山角臨城闈古稱藩服雄畢境環
相陳塔影六七枝瓦縫千萬鱗烟明南臺樹潮
壯方山津老僧肯前揖似余異今人指點壁間
畫修廡行逡巡觀音大士在維摩妙悲鬢蒼然
古木陰寒山若皆可親板扉幾尊者一一皆丰神
老僧太息言劫餘偶遺珍從今幾年筭此壁終
成塵余笑謂老僧子意亦良勤適見俄已失當
悟無還真

黃溪口看白水

黃溪且緩程白水方迎賞石扇千餘仞雪淙數

百丈幽光照天動寒氣發地爽松杉含清英猿
鳥玩奇響仰視慈蔚中當得一席敞移家結香
茅抱書寄泉上

訪貢仲章舟行阻風

今旦始自信余生非數奇懷人發清興欲雪成
良時波響雙櫓溢灘寬衆舳馳危查立小渡殘
竹懸斷旗指浦見鴉合轉蓬借惜峯移深烟曲江
磬微雨三洲炊寂間有餘適濛鴻無定姿余寧
不可柰久與西山期

送友歸臨川

雖云有朋友音素猶難之奕奕大藩地遽得歡
會時飛霽散寒氣城勝賞應前期高樓酒深注簡
畧窮談諧但感人似雪頃刻合又離何當雪如
雲恒見堪相追雁下浦含溟川寒人去遲年華
委分手誰能計推移

雪中重過黃沙

環環磴屢折判判峯爭迴木陰與石泱梅花抱
泉開長思黃沙好每待春雪來陽和發坤厚寒

雲失貞材引雲賈餘勇冰廳行新媒重成一川
雪步步當徘徊杉竹懸明冰瑤琪迥清哀叢石
動溪響呌吭出林隈含欣耦策杖迎賞刈蒼苔
夙昔多親友茲焉起余懷

早起

覺來日已升花梢衆禽語何許白浮萍池間散
還聚起見梅已空夜來幾更雨魚行春到水草
暖香在露溪上人語誼樵薪滿沙路

撫州魏壇觀

何年女仙壇百步遠城堞樹色隨春新飛花集
枯葉廊虛苔綠重簾靜藥香浹主人勉逢迎小
憩薄茗呌却讀魯公碑仙事公素愜是時中興
頌筆力太華歷此書最為小勁氣亦業業大節
照古今片石即光燁人生果何為草草度塵劫
揮手謝壇扉天良碧雲疊

鍾陵紫極宮寫韻軒晚立

擇勝委清曠空軒橫晚晴遙屏故脉縷毫髮
昏明沙鳥雙復隻林烟濁還清蒼旻貯止水白

雲載舟行接要居郡最翫奇盡天成當時寫韻
人此寄千古情招之不可得莫磬長廊聲

洪都靈應觀榜雲徑

厭煩取蕭閒隨意入雲徑上堂敲響板山童質
辭令地寂室生涼體暢心逾靜出門看木陰佳
鳴發清聽風光勻可愛水色灩相暎真契成自
怡歸路得新詠城市今滯留將無失幽性

新塗太平山

縱觀不知遠言登太平山諸峯卷秋雨日射嵐
霏間懸磴折古石側溪倒危瀉金燈如丹紅異
藟相斑瀾忽悵經丘絕俄欣尋壑閒筠陰聚森
爽樵人指幽關聲鐘出晦靄演梵作孱顏靜者
足吾契語瑩冰珊珊崖東照月上露華膏夜鬢
松杉炯玲瓏流飈過瑤環既靜有餘聽焉知跌
坐頑偶然在塵表非能悟無還

崇仁鍾山寺

宋樂史侍郎
有詩在寺

方看望仙雪仍訪鍾山泉石隈
沅危溜峽崖減青天不知路深淺
但愛山蒼圓俄驚侈樓觀頂

禮黃金仙衲僧喜客來
觴行續茶煎仰視慈竹
題俛吟慈竹篇前修凜高躅
滋久餘芳傳白日
倚山轉倒暈千峯烟
悠悠思難極且與樵風還
樵溪

林嶺甚可愛溪源無盡時
山花已亂發烟暖東
風遲因與采樵者坐談
陰樹移日斜自歸緩我
興非人知

立秋日雨

律候秋序改午陰玄雲飛
驚霆發雄殿甘酒行
空霏迸響下清鏑激花裂
明璣餘涼泛匡床薄
潤通練衣草木轉異色
山川起榮輝弘敷二儀
德燕及浮生微棊几亂書
帙撫之有餘款聖言

角相詭人理還多違山田
秀嘉穎歸息期林扉
壬戌夏五友及陳宗元會于富州下梅黃氏

蕙樓罷看雨稚綠成新陰
流風淡欲留冷冷山
鶯吟美景天持贈素心肯
相臨情真語易契趣
遠領深深上客賢主人蒲
香酒頰斟交權不知
醉詎計西日沉談笑偶一
時流傳成古今毋為

畧斯集異世當追尋

河湖水岐山觀與友人皮季武同遊

旦旦望岐山樛木森山椒其下美清陰蔭仙真集
蕭寥佳友謝塵慮導余渡飛橋危深濺跳雪石
磴藏靈飈探邃裂凝陰凭顛洞霞題霄寒蒼貫晴
紫澗養峯壑搖久無登臨滴快此煩悵祛消日馭
諒難迅人區亦非遙遲遲敢迷復疊疊同歡謠

豐城疎山寺

天氣良晏温山原足游衍石溪試初涉衣裳費
牽挽油油風力舒恍恍烟色遠指峯左右賞愛
草行坐軟情興俱供笑談造詣各深淺望望蒼寒
中禪關路猶緬

樟樹鎮五公寺

久幽厭拘維暫弛欣舒散近關得禪扉擇步歷
蒼蘚沉沉松陰重灑灑水光遠殘花起餘香乳
禽響新轉虛廊清晝長高僧坐談簡學空素所
昧慮妄還自遣移晷始知歸生煙滿林晚

清江鎮靈峯寺員嶠亭

拔迹囂塵區置身清涼境深深蒼松林夾曦不
通影松根得散坐蕭然心自醒閒草膏以綠新
蟬咽而警原非造幽邃已足移視聽何當真物
外無慚虛與靜

重到山水村

往時山水村曾駐老仙策俄然二十暑重到高
陽宅著書邁前聞析理發新益盛集天為成高
情世難識繫余最疵謬每幸親講席怡悵俛仰
間均能髮鬚白山樵空外青川停雨餘碧樾障
懸舊陰蓮蕩起生色上客詎可期佳時諒難得
疊疊後來人遐追撫行跡

送徐雲章北遊

奇璞閎偉器喬林長珍材國工久寂寞甘伏岳
壑隈清廟九筵煥明堂八牕開良時難再得振
衣起蒿萊流風寫空江迴舟越清淮直上到薊
門故人與談諧所來非迷方咸磬奏天階燕昭
稱誼辟樂毅名高才區區寧足道劇劇何為哉
六龍正御天走奔風與雷奚待一孔薦自宜四

夔偕素抱式王度聲光遊九垓古來致身者不
為雲山懷珍重復珍重垂芳在深培倘令王子
困善頌端能裁

病起舒懷

常時不知老衰病遽見侵入喉飯若仇毒腸藥
難禁始終理風徹羈旅情自深朋友各相念撫
憐出真枕^枕踰旬幸能起四體危嶽嶽幽館雨新
霽綠光傾遠林疎籬上孤蝶石笋跳雙禽油油
好風來迎之散衣襟欣然若可飲清爽空煩心
平生事聖學學定詎能任惟應委此身天壤俱
涪沉

閤息山鳴水臺

兩山阨一峽幾丈落寒水罟灘春濤壯吳江夜
潮起靜聽得天韻冥叅洞玄理遽得還未能淹
回成自喜幸茲有臺亭綠蔭極清美霏霏林香
生郁郁山光委本非塵土甯愚^愚此一流憇所聞
盡心聞我耳毋煩洗

持志堂蒼玉軒

仙家葛源上空涼
啟崇軒蕭蕭嘉蔭靜
冷冷清韻傳軒中
有高人讀書事丹鉛
尚友惟此君恍若
物外仙循名乃綦
實比德斯莫言孚尹
自旁達溫潤而栗然
粹質生不瑕直節久
稱堅風烟與雨雪萬
變俱盛妍偉哉干霄
志孫枝益綿綿倘令
後來者毋忘淇澳篇

李氏淡香亭

清冷一渠水窅窕五畝園
相携步芳徑左右花藥
蕃好風颯而至語笑興
彌敦勝日得佳集占星
詎虛言散憇一小亭繚
以衆菊根歲寒淡香趣
深奇難具論盛年值明
世奇翮當高騫秋容與
晚節豫訂此道存林氣
漾華艷珍材美璵璠今
夕果何夕殷勤屬芳樽

劉崇玉秀才金自修高士自閣皂山來訪

于樟樹鎮值大雪余抱病病愈賦別

雲凝雨不霑風定霰未先
茸茸敷素塵轉轉遊輕
鈿萬花開晝寂千林耀
春妍景麗佳興發二妙
來高軒旅館共清坐雙
壁暎談玄余衰得奇

疾藥鼎煩烹煎明明桑梓輿義尚友千載前念昔
戴安道可以與之言胡為王子猷竟返中夜舡
雪罷洗峰岫歸情勝剡川寄謝山中人毋訣期
相傳

儒學提舉司宴集

至順二年冬平章全公命提舉高才翁設宴

儒司酒酣分韻賦詩得迎字

賤子久在野低頭事躬畊堂堂賢宰輔胡為知
姓名許辭庠序責復假賓師稱仰既慚簡書俯
仍媿與評公館良晏會文雅有餘清粲粲珠玉
質雖雖鸞鳳聲深意修綆汲雄辨四筵驚我衰
但值多感一出寧非輕白日照天碧耿耿梅花明
城南有歸路西山能送迎

除日文江書懷

馳外心久息求安志恒違江受風雪壓帆從波
浪飛眇彼東山雲妄行已足非為誰餞殘臘蕩
漾不知歸沉沉州郭暝黯黯烟火稀流坎理多
悟孤睽情自微

寄題天光雲影樓

城南有高樓樓高莫與儕上接銀河流下臨寶
鑑開玲瓏八牕境洞徹萬里懷至人奉字定靈
根固深培不假日月輝長照神明臺倒射屹不
動幻翳要難裁初萌朝茵茁轉作冥鴻來須臾
忽變滅炯炯無纖埃冥參足多悟內定外自諧
倚欄視下方此心良悠哉

無此二首

題蒲塘陳家源二首

恐是仙源裏山從洞口開茅簷無客到稚子怪
人來塘綠魚迎日秋青雀啄苔欲令幽賞足石
道沂縈迴

翠霧斷崖側丹霞流水西竹從幽處密松自古
來欹落葉半藏路清風時蒞溪仙家原不遠未
許衆人知

甲戌十一月初十日雪窓校讀終卷

知非堂稿卷之二終

知非堂稿卷之三

臨川
撫樂何

中太虛著

五言律詩

述懷

丈藻風流盡天機
定偶然自憐有今日
猶復望他年
道遠雲千里
樓危雪滿川
春還有消息
好去到梅邊

除夕

曆象羲和遠
誰將舊恨新
燈前數杯酒
宇內幾

閑人豪傑悲來古江山識故春今宵分兩歲看
劍不妨頻

正月五日吾族諸老儒服縱遊 三首

縱遊二十士遠賞物華新好是小蘭若一來中
聖人桃源在何處流水不勝春歸路狂歌甚敬
歌烏角巾

又

山中忘世換人事又從新儒服吾宗老南冠故
國人悲風千載淚幽谷一年春折取山花供清
香已滿巾

有計能興漢無辭可美新才名歸後輩事業見
前人野水孤村暮梅花萬里春斜川同日月醜
酒正須巾

幽尋

適意可幽尋天空晚氣沉鷗飛一川迥花落五
雲深庾子江南恨瓊奴柱下吟野風吹我老鴻
雁有餘音

晚興

雁背雪花落吟悲興自如天虛鱗甲動山老鬢

毛疎斷隴暮歸客寒溪人自漁蒼茫閑籬落政
爾緩羊車

遺老

遺老今猶在方知有亂離為言前宋事曾見理
宗時邑遠何年到身臞獨步危已無桃可種力
穡賴諸兒

春郊 三首

湖海獨垂釣風雲入短簑燕來春已去花少雨
偏多一飲捐愁却千盃奈醉何青山如有意對

我獨高歌

試數亂離年傷情更惘然牛羊荒草樹天地老
風烟白骨蒼苔外山花野水邊幽禽未棲宿來

往自翩翩

歸鳥情方遠啼鶻泪未收淵明姑託醉老杜不
勝愁雲冷花無主山寒雨似秋江南春水足何
處具扁舟

雨後晚行 三首

太虛萬籟動獨卧一畝陰雨足歸雲遠溪流到

海深古今同此意天地一何心我興聊亦爾露
花沾我襟

謾說閑中興應知事外情江山歸釣影天地入
笳聲小市風烟合孤村竹樹清眼中賒小景收
拾即詩成

棲鳥黃昏後歸牛蒼莽間水明疑有月烟淡欲
無山幽谷元非隱高人自喜閑徘徊不能去莎
碧眇荒灣

伯父堅白道人挽詞 即見山也 三首

晝靜清江獄 臨江錄事參軍 春調衣錦絃 知興去妖人

共異息盜史堪傳使節臨香國郎星照楚天穆
陵親擢士公不愧諸賢

栗里陶元亮南陽武鄉侯事功今代見忠志古
人求短屐漫岡晚深衣老圃秋公心無可遯遽
往帝鄉遊

我亦公猶子公寧忍棄吾恍疑容色在還聽語
音無風急鷓鴣冷天清雁影孤九京良感激慟
哭洒寒蕪

老圃堂雨

見山之堂也二首

皋某不可復懷哉步疾藜江山宜有史風雨可
無詩漢殿金人別唐陵石馬馳物情猶若此公
意竟誰知

深谷紫芝曲南山白石歌斯人嗟已矣此恨果
如何扇裏薰風在花間暮雨多悲吟聲已苦一
鳥下庭柯

喜雨

雲葉來西北風聲乍疾徐冥冥天下雨湛湛圃
中蔬書傳堪經世乾坤且負鋤欲言無與領獨
立看芙蕖

雪

共喜輕堪玩寧知積更明陰凝兩儀合勢壓九
州平江海漁蓑樂山林茗椀清何嘗不奇絕誰
望一朝晴

奇石

奇石爭迎立青衫互引前冷冷兩溪水淡淡一
峯烟閑作題岳字時逢採藥仙蒼崖忽陡絕松

影一颺然

山中

何處征徭急茲山水石奇鳥鳴新葉長磴轉斷
雲移跌坐天正碧起行風自遲徑穿松鱗去巾
袂冑蛛絲

微雪

微雪寒烟淡遠村喬木亭年登猶有琇政猛更
聞兵亂水投波波急羣峯照野明酒盃無限興詩
句有餘情

別羅士鼎

晚烟寒雁度夜月遠鐘微高韻非今世清評閑
野扉始知千載上未與寸心違落葉荒山路獨
伶身是歸

送喻道人歸蜀鶴鳴山 二首

杜主猶無國西枝更有家早貪吳景媚今恨蜀
程賒山豈東南異仙寧遠邇差鶴鳴更須到方
足養丹砂

緣重身真幻時移事盡非蘧廬誰是主華表底

堪歸郢路霜雪苦錦江消息稀
天長翅翎短休
傍莫雲飛

曉晴

一雨生春色千山起曉晴
落花縈樹轉幽鳥過
林鳴杳杳天如古茫茫世有兵
開扉小倚杖沙
上草初生

南居寺

閉戶未從容出門誰適從
聊隨碧溪轉忽與白
鷗逢濕小雨十數點淡烟三四峯
峯峯看不足山
寺已鳴鐘

饒州道上二首

新晴破積陰淑氣泛行襟
千里山河眼百年耆
舊心霞飛滄海遠烟入綠村
深學劔江東者茫
茫不可尋
又
手春初歇杵麥粥午香知
白酒村村薄青山處
處奇天垂雙鶴遠江渡一舟
遲楓合東吳綠何
人續楚辭

采山歸步

松邊採藥去谷裏帶雲歸步轉半崖側影涵空
澗微獨尋茅宇歇因看水春機數點山花落孤
禽避客飛

象牙潭遇風

圓蓋吹應側東溟倒欲乾數帆將雨急萬燕逆
烟搏齊汨經頻試低昂儘自安世將長嘯處雙
漿破空寒

病中感懷

多病他鄉外孤懷始覺愁山圍雙鷺曉門閉一
蟬秋遇合馮生缺勲名季子裘悠悠耦畊者端
暇為人謀

夢鄒明遠時遇金溪楊方

心達形空滯神交夢自歸江山真有待時命且
相違若母虵杯悟吾親鶴髮稀楊方今夜雨偏
向小窗飛

留金溪夜雨達旦有懷

忽見干戈動他鄉隔老親一牕如此雨兩地未
歸人雁度關山暗雞催海宇晨誰能更欹枕聊

挹曙光新

陳家源 二首

恐是仙源裏山從洞口開
茅簷無客到稚子恠
人來塘綠魚迎日林清雀啄苔
欲令幽賞足石道沂縈迴
翠霧斷崖側丹霞流水西
竹從幽處密松自古來
欹落葉半藏路清風時滿溪
仙家元不遠未許衆人知

龍池寺蒲石

底有貪奇意吾行亦偶然
尋泉經絕壑看石到幽禪
鳥語前林日雞聲曲巷烟
偶逢樵客歇共坐偃松邊

留文江久雨值水

半世長為客却悲行李艱
相知惟有雨四望更無山
命寄浮沉裏心遺生死間
丈夫要經涉可復事安閒

白鷺洲

淡淡薰風喜江明天影開
竹陰侵水碧草色近

人來諸老心猶在千年首獨回非無李供奉却
欠鳳凰臺

甘詠之挽詞 三首

經傳明精義圖書貫大全曾為諸老敬不受衆
人憐風雅力還古林泉清欲仙南州餘此士北
客識高賢

花嶼風醒酒琳宮日度棋高談千載靡浮俗萬
端疑柳暗西湖路梅殘東閣枝篇章須爛熳知

復寄從維

二 蘇溪在維揚錢塘作詩
三百首自失其傳

獨鶴城闈語聲蜚到竹林安知名一世不忍負
初心良晤情方切幽居病已深俄然隔千古慙
恨淚盈襟

東溪自至錢塘在城對明
友曰何太虛也日可名世

劉太傅挽詞 三首

懇歎憂危國從容友大臣竟辜嬰白志遂作綺
園身名節非無壽乾坤更有人堂堂天下士何
必畫麒麟

妙悟通羣聖微言判六經千年遺此老四海王失
先生文字空傳迹知聞謾敬名豈無房杜者猶
足致隆平又
如許龍門近胡寧忍澗疎不為終古別詎信此
生虛未許壺丘學頗知楊顛子書向來香一瓣薄
命竟何如

程總管挽詞 三首

行意心追古材高道即師澤深三族浹既遠兩萬
間資蒼隼須秋擊甘霖入望遲東南此人物天
意遺明時又
偶奉親從養因令季保城詎知求偉績不忍毒
蒼生厚祿君恩重浮雲世事輕脩然拂塵服身
退更為榮又
雨露深喬木乾坤啟德門勲名雖盡幻施報始
堪論四海天球在他年上蔡蕃門人更須慟奕
奕久彌存

寄鄒明遠就問訊諸友

宴坐列芳植鶯聲春雨餘空齋三夜亮夢遠道一

封書能事身增病窮居計未疎諸賢日相樂我
獨問何如

聶氏丈人室

八尺^床敷愜清評許客過堪容四翁隱頗覺七
賢多山逼陰留席池藏水禁波此中惟可飲新
釀近如何

送曾教諭之官萬安

零雨深春色江花映餞樽近看科詔下轉覺校
官尊山光通講席難聲到縣門金閨須布武六

學始堪論

立秋夕作

但覺焦原苦何當沛澤流夕風微報響古木暗
藏秋未事冥難測閑心遠作愁亂山高下碧烟
靄淡浮浮

雨餘桂花盛開

搔首發清磬開扉啼早鴉西風一夜雨丹桂滿
林花老托心猶壯愚云識有加平生讀書眼閑
送曉天霞

次吳仲谷離字韻

一邛聊信意相遇若相期賤子方成喜先生便
語離梅花迎客發山色待人知從此圖經裏應
添所賦詩

送巡檢之官柳州

轉覺為官易皇仁貫地維更無方域限寧有徼
巡時丹荔柳侯廟紫苔韓子碑弓刀多暇日煩
為拂蛛絲

陳母姜氏挽歌

閨闈芳猷著鄉閭盛德尊早為三鳳母晚託八
龍孫世有金鑾美人誰琬琰存堂堂韓吏部銘
碣照高原

槎溪

岸斷風欹柳村寒雨病花妾心貪自適危路得
長嗟別壑亂雲散回灘歸路斜平生謝康樂幽
意滿天涯

元真寺橋小憩

古刹傳清梵橫橋雨歇時年華流水在春事落

花知宇宙遺陳迹江山本後期向來多薄命今日信枯藜

送人歸臨川

金河疎柳外去櫂響流漸為客有歸日送人愁別時寒雲隨雁遠南雪到山遲舊隱書無恙行藏莫豫期

絕江

掛席亂驚湍曾過此渡難潮歸楊子晚山入秣陵寒聽語知鄉近忘年計日寬穩行隨夜泊烟火滿江干

登蛾眉亭

蒼壁孤亭立彫年獨上時帆歸空渚早雁落信潮遲烟火睽三郡波瀾動兩眉袁宏成絕響李白厭諛辭

此下有鄱陽湖中除夕一首行樂一首辛亥元夕二首送吳主簿一首贈李仲元一首別唐仲謙一首補入後幅

水口夜思

牢落不成寐荔陰寒石磯潮生灘響盡海近夜涼歸旅思隨時進鄉音逐迹非燕南與粵北格是費征衣

山墅幽居好效穆伯長 十首

山墅幽居好烟霞紫翠鄉近窗皆水色通屋盡
花香報曙鶯啼慧驚春乳燕忙莫須煩詩帝盡淡

灑小林塘

其二

山墅幽居好陰霏長綠蘿地藏禽響異門掩草
香多曉日明媒雉晴峯對牧鶩有時隨野豎吹

笛小紅坡

其三

山墅幽居好隨人事事宜啼祝雞行蟻盡乳犬穴
地移瓶瀋佳泉煮厨烟落葉炊藤香和棘刺扶

補便成籬

其四

山墅幽居好清時託靜深鑪薰太古意方冊聖
人心霄漢詩情到秋毫字法尋開簾散疎嬾燒

燼落花陰

其五

山墅幽居好花時不惜情前身曾作蝶有夢亦
隨鶯艷得渾無格移來不計程每煩人客到指

點問何名

其六

山墅幽居好工持結夏規靜扶楓本釣沉筭竹
根棊引蔓陰蘭甃觀泉澮雨籬夜涼沙上步和

得採菱詞

其七

山墅幽居好農談到夜分側林斜淡月遙石長

幽雲鄰屋燈明盡磚爐酒氣聞兒童催就枕露

點落紛紛

其八

山墅幽居好秋苔席月明伏龍扶甲影飛鶴發

毛英河漢清丹極星辰淡玉衡殘荷兩三畝時

聽籜飛聲

其九

山墅幽居好加邊不外將帽紗梨谷露衣氎橘

林霜醞妙疑仙教蔬珍共婦嘗一竿元放手風

度碧灘長

其十

山墅幽居好瓶儲歲計終問梅經古剎看雪到

危峯鯽穴寒漁雋麟蹊曉獵蹤速鄰相勞苦竹

閣炭香濃

讀晦庵集

勝

劫重魔偏勝言高俗每疑屈伸應有待真偽竟

難知燒燭成花處看書徹卷時嫩涼秋滿院蟲

響起前墀

吳仲谷來喜雨

山居難適俗到縣動經年偶出成奇絕相看各
粲然酒深孤竹^菊外燈淡小樓偏草草荀陳事他
時倘有傳

贈盱江黃季與往宜春訪舊識孔知事

此地忽相見驚心十載期未詢行處事先說別
時詩小市見人喜北風征帆去馳如何不暫駐
總是舊相知

牡丹

異錦星孫巧奇雲夢女神珊瑚離鉄網翡翠耀^慘

金塵天上花難並仙家畫莫親如何元化力獨
釀一根春

除夕

我有百除夕蘧廬是處安翻因歸路近始覺到
家難浦隔鴈聲落蓬孤燈影寒家人應共說賓
閣尚盤桓

五言排律

節婦周母鍾氏挽詞

毓德推閨秀來嬪盛壺彝詩成自誓日孝盡立

孤時被教三遷早娛親一檄遲里門人共式汗
簡史應垂燕喜高年集情深愛日馳丹砂蓬海
淺絳節婺星移松柏眠龍近風烟過鴈悲區區
劉子政僅就挽人詞

陳峭軒挽詞

良璞璞未有識需時為席珍淺清滄海地瘞骨齊呂
梁津桂楫以前溺楸枰入至神千金何續魯六
印不酌秦瑤圃花光曙麟洲酒影春青鞋天地
濶綳帙古今陳遇物聊施愛於情每以真百年
椿嶧屹四世玉嶙峋盛德誰與讓能言寫未親
仲弓今已矣碑版屬何人

陳提舉挽歌

虞日來儀鳳周郊早畜麟方推王式化已客馬
周身事合符休運才猷接近臣東朝深雨露北
極上星辰保直宮闈密官箴簿領勤剴繁蘇劇
縣決訟警豪民餘事修庠序高名動縉紳奉徽
資筦庫蒙治剩輸銀計日堪終國知年急養親
纔酌三釜志遽邁九京人陳實家聲在吳兢史

筆新徵銘宜狀實痛味味最情真秋雨昏山色寒
烟躋黯路塵蒼茫幽寔處哀挽競傷神

梅

奇植遺山澤英姿照古今醲薰貫三極貞色表
千林年運神孤玉陰凝力獨任太清涵妙影元
氣託芳心薄雪村村淡輕烟澗澗陰蒼茫何見
晚邂逅卻愁深南紀開春事幽情寄碧岑自怜
餘短策相對發孤斟

移菊

僅得林間趣閑尋菊本移人家深竹裏楓葉夕
陽時汲井澆枯潤將鋤下手遲護叢愁蕊損帶
土怕根知每被歸樵問深憐冷蝶隨寒香生徑
術術幽事補灣碕斗柄西北落鴈聲霜露垂徘徊
繞叢畔自笑可能癡

寄程承旨

元凱同巖召留班錫異恩聖神思治切宗社有
公存地立鰲峯峻天依鳳闕尊臯夔侔道合旦
爽共心論妙幹時雍化丕揚烈祖敦堯文嚴大

典虞采倚昌言卦氣丹凝鼎星符紫照垣奇齡
歸碩德寶曆鞏皇元花竹蕃三谷雲霞煥九門
相望清晝永朝下酒盈樽

皮氏逸亭

地僻藏吾逸隨宜託數椽池新何許水楓壽不
知年竹讓前林月花歸隔浦天綵鱗孤鏡照幽
哢四窗圓曲几清時裏閒心太古前入因添曉
起出每及宵眠句得思仙寄棋高許客傳乾坤
餘蠹簡勲業老鮒船智有過桑計先求聖祖鞭

太章短東極夸父恨虞淵世共稱工者吾知付

莞然他時耆舊傳應指某公賢

黃體元別業因梁為亭范德機榜玉壺冰

揭曼碩賦古律余賦今律十韻

何處來奇璞雕鏤締構工置之孤嶼外渺在十
洲中石色搖晴雪林輝貫夜虹貪寒龍伯到愛
潔鶴仙同拂席柳陰綠繡書花影紅盃增碼碯
瑩簾訝水晶空可倩凌人守休令蝎子通凝神
塵自遠比德日應崇榻窄堪容隱蓋深亦策功

試言蔚宗輩好為傳壺公

送咬住僉事赴南臺

飄蕩來江右人歸水鏡中豺狼當道失麟鳳在
郊容玉尺嚴於已金鈞聽以公龍沙方集鴈烏
府遂乘驄不逞桴彈巧惟恢宇量洪列城瞻朗
月南夏洒清風江漾檣竿采天搖酒影紅若為
談去住猶未遠悵懔紫極星辰切青冥雨露同
遙知秣陵水直與析津通

送董方達赴廣東

興計曾偕上承恩列校官黨庠為最易藩府事
人難秩幸三年滿朝無一迹安要荒乘遠障巡
徼謝儒冠行理書籤減嚴程水驛寒庾梅留雪
待韶石帶雲看歷歷多奇境層層下激湍山藏
蠻鳥怪峽束夜猿酸潮上雄都近烟稀小市團
蠻人行獵熟獠婦挈瓶歡俗險平為貴民疲猛
易殘長教榕蔭綠莫戀荔枝丹善政宜無怠清
名自不刊九重求士急一旦在朝端味忽貪珍
異衣唯稱袷單好成南海集歸權候江干

寄題凌氏橫舟閣

世有要津路居當野水濶
千年濟川事一片渡
人心天地眠簑老風烟
弄笛沉岸花時自落沙
柳坐成陰艤棹誰堪待
臨河有嘆音行車常自
尼吾職固能任人物多
豪俊江山幾古今巴東
奇傑句為爾一長吟

甲戌十一月二十四日大雪飛灑竟日夕不止
知非堂稿卷之三終 沅未記

鄱陽湖中除夕

除夕生能几誰無骨肉親
望鄉偏恨路在遠併
遺身湖雪殘波岸舡灯
独夜人淹旬湏一到珍
重故園春

行樂

行樂當幽賞晴峰帶雪
歌水香梅落處沙潤草
生時事識心仍累生添
疾畀衰深村紅葉路樵
牧轉相知

辛亥元夕二首

頑坐故貪默忽行時自言寒沙梅影路微雪酒
香村時序鬢髮改人家童稚喧街頭試燈候不
到郭西門

送吳主簿之官石埭
簿領池州去開帆帶雨微當令公事簡見說梁
人稀雲入九華碧雁驚秋浦飛丁寧橋下水官
滿載書歸

贈李仲元

曾逢偏意悟顏面費追思把酒忽相語計年深
自悲亂山藏路遠秋水去城遲若到寒溪上教
兒護菊籬

別唐仲謙

記名長似識相見始慚非每到極言罷却欣幽
聽掃日明山氣改江靜水痕歸添得今朝別城
陰空掩扉